

外證醫案彙編

外證醫案彙編卷二

陽湖趙能靜先生閱

陽羨余景和聽鴻甫編輯  
會稽孫思恭順齋甫校刊

口部

○唇瘍

角里周 膏梁厚味。熱逼陽明。發為繭唇。不治則成中消之證。後難挽矣。

麥冬

銀柴胡

甘草

石斛

黃芩

茵陳

知母

中生地

枳殼

犀角

枇杷葉

夢生草堂。亦取此方。此即清涼甘露飲全方也。能靜註

荆溪蒯 陽旺陰虛。膀胱寒水泛溢。脾濕與胃熱互鬱。鬱久化熱。熱氣薰蒸。滿口糜爛。延及咽喉。兼以泄瀉口臭。姑擬加味連理湯。合導赤散治之。

人參

白朮

乾薑

生地

茯苓

黃連

炙草

木通

竹葉

加味連理湯。合導赤湯。雖成方。用之極難。脾胃寒熱並治之法也。脾為太陰濕土。喜溫喜燥。胃為陽明燥土。喜潤喜涼。最妙一味黃連。苦降洩熱。可以引導赤下行。而清胃熱。苦以化燥。除濕而堅下。藉理中。辛甘升陽。助脾泄瀉可止。濕熱盡則口糜可除。仲景之半夏瀉心。附子瀉心。黃連湯。生薑瀉心等。之脫化也。其

中攻補兼施寒涼並用為醫者能於此法中講求其理而推廣之致究仲聖方解操縱在我用之如鼓應桴矣余聽鴻註

丹徒褚小兒鵝口瘡乃心脾之熱兼挾胎熱上攻以致滿口皆生白色斑點作痛連絡咽喉重重叠起難於哺乳煎劑更屬難投且與

冰硼散擦之以去濁涎。

紹興范下唇發癢色紅作腫日久破裂流水漸起黑蓋去之仍生旋平旋發此名唇風乃足陽明風火凝結而成擬雙解通聖散主之。

防風

當歸

連翹

川芎

麻黃

荊芥

白芍 白朮 薄荷 山梔 黃芩 桔梗

甘草 滑石 煨石膏

通聖雙解中加當歸 靜志

塘棲蔡 下唇結腫如核桃。此係唇疽。乃心脾蓄熱。宜與清涼。

犀角 丹皮 金石斛 遠志 蘆根

生地 白芍 茜草

東山潘 唇前由心緒煩擾。肝脾氣鬱而成。此證有失血之虞。不可妄動刀鍼。宜耐養為主。

川貝 石決明 石斛 青黛 蒲黃

天竺黃 甘草

梅堰陳 陽明火毒。結腫在唇。已經兩月。作瘡。色黑腥穢。毒盛也。右脈洪數無次。勢必穿唇落齒。殊難收斂。勉擬清胃散主之。

生地

鮮石斛

黑山梔

知母

銀花

黃連

旱蓮草

生石膏

白芷

蘆根

某

溫邪發熱。津傷口糜。氣穢。

捲心竹葉

嘉定花粉

知母

麥冬

金石斛

連翹

秦

久熱瘡。五六。年。環口燥裂。溺瀦莖痛。

鮮生地

熟首烏

丹皮

丹參

羌蔚子

銀花

地丁

紫草

共熬膏

唇。屬陽明太陰。脾胃最多。心肝稍有兼之。經曰。手陽明之脈。俠口。足陽明之脈。環唇。陽明脈至齧唇也。脾為統血之藏。而主肉。其榮在唇。陽明胃脈。上入齒中。還出挾唇。下交承漿。下膈屬胃。絡脾。為病有口喎唇脣。脣即傷之類也唇反。肉先死。太陰脾脈。入腹屬脾。絡胃。上挾咽喉。連舌本。所以十二經三百六十五度。其濁氣出於胃。走唇舌而為味。脾胃大腸小腸三焦膀胱者。倉廩之本。營之居也。名曰器。能化糟粕。轉味而出入者也。其華在唇。四白。其充在肌。脾為濕柔之土。胃為燥剛之土。脾為之使。胃為之市。市者。容受各物者也。使者。轉運各物者也。喜食膏粱厚味。容受倉厚之中。久鬱陽明壅熱。太陰濕熱。或火風火。阻滯薰蒸。隨

經而發。唇瘍成矣。亦有兼於心肝者。何也。腎脈貫心。入頤環唇。厥陰之脈。循喉嚨。環唇。肝脈上頰裏。環唇。心主血。肝藏血。脾胃飲食。中焦取汁。變化而赤。是為血。脾胃熱。則血熱。累及心於肝也。今摘九方。陽明壅熱。以清涼甘露飲。脾胃濕熱。之連理導赤湯。小兒胎熱。之冰硼散。陽明風火。之雙解通聖。心脾積熱。犀角地黄。肝脾鬱熱。之清肝涼血。陽明火毒。之清胃散。溫邪口糜。之甘涼清熱。瘡痍唇燥。涼血解毒。治唇瘍之法。不出脾濕胃熱。風與火也。唇瘍皆屬內因。臨症須考其根。效立方定其法度。余媿不敏。理難盡宣。惟願高明。將先哲存方。發其精義。而正之。藏余之拙。鄙人之大幸也。余臆鴻註。



齒瘍

平望翁 風熱發為牙癰宜祛風清胃。

羚羊

石斛

丹皮

元參

鮮生地

黃芩

荊芥

薄荷

鮮蘆根

南京表

牙疳唇破陽明毒感之至危如朝露。

香犀角

旱蓮草

黃連

生地

黑梔

忍冬花

人中黃

骨皮

天花粉

簡村張

牙齦腫脹淡血滲流虛陽上泛法以滋降。

熟地

北沙參

石斛

旱蓮草

麥冬

懷牛膝

茜草

丹參

炒白芍

太倉楊 牙漏未得痊。又起乳蛾。齦肉宣腫。喜熱飲。惡涼。口不臭。右關脈大。兩尺細軟。此乃少陰不足。陽明有餘。邪熱稽留於齦肉之內。難免齒衄。當養性情。不可再取藥力。

沙蒺藜

生地

石斛

麥冬

鮮蘆根

旱蓮草

丹皮

料豆

申薑

山西程 走馬牙疳。黑腐肉嵌。牙落無血。勢必穿唇破腮。五不治中。已見二三。勉擬桂苓甘露飲主之。

瑤桂

茯苓

豬苓

知母

地栗根

石膏

石斛

澤瀉

骨皮

常州尤

少陰虧怯。陽明蓄熱。致成牙漏。擬玉女煎。

熟地

懷牛膝 麥冬

旱蓮草 煨石膏

沙蒺藜

川石斛 知母

本城石 走馬疳。緣陽明毒盛。以致肉黑糜腐。經云。穿腮破唇。症屬不治。勉擬煎劑。

犀角尖 牛蒡子 忍冬

根葛根 鮮生地

鮮石斛 淡芩 薄荷葉 甘草人中黃

朱家角 癖積毒火。上攻牙齦。寒熱腐臭。不數日間。遂致穿腮。滅齒。現此惡款。且擬蘆薈消疔飲。以消息之。

銀柴胡 羚羊角 胡黃連 牛蒡子 淡竹葉

元參 甘草 山梔 薄荷 桔梗 石膏

泗涇唐 牙根腐爛。穢涎不絕。此屬走馬牙疳。非輕症也。宜清疔  
解毒湯主之。

人中黃 銀柴胡 知母 防風 犀角 石膏

牛蒡子 川黃連 連翹 元參 荆芥

崇明王 牙齦微痛。淡血時流。兩手脈象沈數。參此脈證。不獨胃  
火熾盛。而龍雷之火。亦復上騰。愚意宗益火之源。以消陰翳之  
治。

安南桂 懷牛膝 澤瀉 知母 石斛 竹葉

車前子 赤茯苓

履方 齩腐已定。衄血亦止。引導之法。甚為妥適。仍宗前法。佐以

減降。

申薑

車前

秋石

川石斛

懷牛膝

知母

青鹽

淡竹葉

此二方大有斟酌聽註

木瀆倪

牙宣遷延失治。腐潰漸開。喜涼飲。不喜熱飲。此係邪風

凝滯於齦肉之間。治宜清胃為主。

犀角尖

知母

粳米

甘草

人中白

血餘

鮮生地

青黛

丹皮

石膏

鮮蘆根

青浦雀

疖名走馬之稱。喻其速也。勿可緩治。

犀角尖

川石斛

麥冬

生地

知母

地骨皮

銀花

枇杷葉

餘抗春。牙草。形似核桃。堅硬如石。由心胃之火煎熬而成。不可  
鍼破。失血難痊。宜耐性調理。可免性命之憂。

鮮荷葉

遠志炭

丹皮

白芍藥

中生地

茜草根

丹參

川石斛

附末藥方

珍珠一錢

牛黃一分

黃連五分

蒲灰五分

蒲黃灰五分

蒲黃灰五分

蒲黃灰五分

蒲黃灰五分

蒲黃灰五分

橄欖核灰三分

寶山鍾。寒濕化熱。致成牙疳。頑腐難脫。失血如泉。脈來細數。法

當清滲陽明。佐以潛降。

煨葛根

滑石

荊芥

茵陳

薄荷梗

甘草 白前 丹皮

接服方 肉桂 石膏 茵陳 車前子 茅根

石斛 丹皮 知母 梧桐淚 淡竹葉

昆山李 鑽牙疳。毒腐未盡。新肌略露。病退之機。擬清胃解毒法。

胡黃連 地骨皮 金石斛 車前子 知母

銀花 山梔 甘草

青浦許 牙癰。堅硬作痛。寒熱口渴。以致顛頰浮腫。牙關不舒。係陽明熱毒。與風火相搏而成。姑擬祛風涼胃。使其漸漸收束。為妙。

防風 連翹 牛蒡子 石斛 荊芥

薄荷

煨葛

鮮竹葉

山梔

蘆根

丹陽曹

牙麻。餘毒未楚。經年復發。不可苦寒涼胃。姑擬腎陰調

治。

沙蒺藜

料豆

川石斛

中薑

甘草

旱蓮草

生地

女貞子

南翔劉

牙床腫痛。身發寒熱。此風火也。法以疎解。

煨葛根

防風

甘草

蠶蚕

元參

花粉

荊芥穗

桔梗

橘皮

茅根

陝西黃

牙漏。起已日久。失血過多。肝腎液虧。陽明積熱未清。理

宜培養肝腎。以解胃熱。可圖苟安。



懷牛膝 麥冬 女貞子 花粉 金石斛

大生地 白芍 沙蒺藜

青浦陸 牙疔。治以甘涼益胃。佐以滋降。

清阿膠 懷牛膝 白芍 川石斛 青鹽

蒲黃炭 料豆皮 茜草 旱蓮草 東仁

陳墓張 牙疔月餘。齧肉宣露。補益解毒。兼施之治。

黨參 車前子 白芍 橘皮 川石斛

甘草 懷牛膝 茵陳 藕節

游墅關董 牙漏久延。脈形弦濇。證係木旺水虧。陽明熱蘊。當顧

本為治。

逐志

懷牛膝

天花粉

鉤藤

料豆

青橘葉

金石斛

白芍

桑巖韓 牙衄不止。女子之血薰於衝任。而衝任虛繞於陽明。以致齟肉宣腫。治宜涼胃兼補納之法。庶幾血歸其經。不致妄行矣。

懷牛膝

懷山藥

茅根

川石斛

女貞子

北沙參

甘草

大生地

某

牙齦腫痛。左尺弦搏之象。稍緩水中之火漸戢。

大補陰丸加

犀角

藕汁

生牡蠣

人中白

骨碎補

丹皮

蘆根

某服藥後血止。而口中之熱亦去。亦稍見效矣。而食不加增。膿亦未除。詢其所得之證。則自齒中出血之日始。則非一日矣。使投六七劑。而掃除痼疾。恐扁鵲謝不敏也。今姑用王良詭遇之法。以試之何如。

炒熟地

夏枯草

黃柏

紅麴

骨碎補

小赤豆

龜版

犀角

人中白

野菊根

蘆根

白朮

旱蓮草

生牡蠣

查炭

黃蟬

陸 肝風陽氣乘陽明之虛。上冒牙肉腫痛。議和陽熄風。

生地

阿膠

牡蠣

天冬

茯神

石斛 旱蓮草 女貞子

沈 脈細澹。入尺澤。下元精虧。龍旺火熾。是口齒齲腫。皆下焦之虛陽上越。引火歸窟。未嘗不通。祇以形瘦液少。慮其劫陰。致有癆癰起患。當預慮也。

虎潛去廣歸鎖陽加山藥菴蓉青鹽羊肉膠丸

胡 厥陽上衝。心痛振搖。消渴齒血。都是下焦精損。質重味厚。填補空隙。可冀其效。

熟地 四兩 五味 二兩 茯神 二兩 建蓮 二兩 芡實 二兩 山藥 二兩  
人乳粉 二兩 秋石 一兩 生精羊肉膠丸 早服四錢

蔡 惡進穀食。舌乾齲脹。不肌不知味。寤多寐少。皆由瘧汗嘔逆。

都令諸陽交升。胃氣不降。則不食。陽不下潛。則無寐。肝風內震。則火升心熱。法當和胃陽。平肝氣。肝平胃醒。穀進能寢矣。

知母

北沙參 麥冬

新會皮 烏梅肉

新穀露 沖

胡

脹左弦數。右偏頭痛。左齒痛。

黑梔皮

羚羊角

夏枯草花

連翹

鮮菊葉

苦丁茶

鮮荷葉邊

薄荷

張

太陽痛連顴骨。耳後牙齦。夏令至霜降不痊。伏邪未解。治在

陽明少陽。

連翹

羚羊角

牛蒡子

葛根

赤芍

白芷 鮮菊葉

某 陰虧體質溫熱上蒸齒痛連及頭巔

用玉女煎

某 酒客牙宣衄血痰血形寒內熱食少陰藥濁味姑緩

小黑豆皮 人中白 旱蓮草 左牡蠣

川石斛 澤瀉

某 火鬱巔頂屬厥陰項上結核齟腫

犀角 羚羊角 元參 生甘草 知母

連翹 黑山梔 銀花 夏枯草

徐 脈細數上出體屬陰虛內熱牙癰後頰車穴閉口不能張其

病在絡。藥餌難效。擬進宣通絡痺方。

羚羊角

桂枝尖

殭蚕

煨天麻

粉丹皮

黑山梔

鈎藤

汪

風熱上蒸。銀腫頭痛。當用輕清上焦。

鮮蘆根

圓圓滑石

西瓜翠衣

生菜豆皮

連翹

銀花

齒牙之證。先究上下手足陽明。及少陰之經。再攻風火蟲與濕熱虛實之異。牙齒主少陰腎。牙齦主手足陽明。經曰。女子七歲。丈夫八歲。腎氣成。齒更。女子三七。丈夫三八。腎氣平均。真牙生。而極長。五八。腎氣衰。齒槁。八八。陽氣竭。精氣衰。齒髮不堅。則齒

去矣。又云骨寒熱者病無所安汗注不休齒未槁取其少陰於陰股之絡。齒已槁死不治。骨厥亦然。齒者骨之所終也。邪客於足陽明之經令人執衄。上齒寒足陽明之脈下循鼻外入上齒中。還出挾口環唇。下交承漿。手陽明之脈從缺盆上頸貫頰入下齒中。還出挾口交人中。左之右右之左。為病有齒痛頰腫。故齒牙虛症屬少陰者多實症屬陽明者多。虛症者少陰水虧木旺龍雷上騰。齧肉宣露牙衄牙宣牙漏牙搔牙菌之類。實症者陽明濕火熱毒蘊結牙床骨槽風走馬疳牙癰牙疔牙毒之類。所以虛症治在少陰實症治在陽明。此二語治齒之大概也。今摘存三十九方。風火之輕清解散虛火之鹹寒滋降。有清肝熱。



而滋腎水。消陰翳。而制陽光。有玉女煎清陽明。而填少陰。甘露飲清胃熱。而滲蘊濕。清疳解毒。滲濕填陰。症候錯雜。方法之中。兼治合治。分治從治。專治各有妙用。雖云察其專科。而任之。然不能出內科之範圍。質之諸科。細攷先哲治法。融會變通。斯誠善矣。余聽鴻註。

附治驗常熟寺前毘陵人木梳店俞姓年二十餘歲。齒衄如注。血流盈碗。面紅目赤。脈來虛浮。兼數重按無力。神靜不煩。口不穢臭。言語輕微。余曰。此乃少陰龍火上燔。齒熱則齟肉離脫。齒縫血出不止。手足清冷。急用肉桂五分。研末飯米搗丸。先空心服下。食以糜粥。使其壓之下焦。再進甘涼鹹寒。滋降導龍入海。

再將生附子麝香作餅貼左足心湧泉穴一劑血止兩劑脈漸  
斂手足轉濕起復如常矣 聽鴻誌

○舌瘍

常州馬 心脾蓄熱循經上沖舌本遂舌下血脈脹起狀如小舌  
故名重舌宜清胃散主之

升麻

黃連

丹皮

生地

連翹

桐鄉張 痰包由心脾不和濕熱上壅生於舌下形如水泡灸而  
微痛錢破出水如蛋清以二陳湯主之

陳皮

半夏

茯苓

甘草

黃連

黃芩

薄荷

生薑

外科正宗加味二陳湯。即此方。生薑。乃學山先生所加也。夢生草堂亦此方。能靜益。

青浦卜重舌。係心脾蘊熱。上延舌本。以致舌下脹腫。有妨飲食。症屬陰候。外用鍼刺以洩血。內服涼劑以解熱。漫冀轉敗為功。

犀角

生地

丹皮

連翹

山梔

牛蒡子

淡竹葉

甘草人中黃

寶山胡痰包久延不愈。先後天並虧。法當脾腎雙補。

用六味四君並進

濮院徐心脾有熱。以致上脘生癰。形如梅核。微有寒熱。此係實火。宜黃連解毒湯。佐以紫雪噲化。此證不可妄用刀鍼。

黃連

黃芩

黃柏

黑山梔

桔梗

青浦蘘

舌疔。由心脾火盛。舌發紫泡。形如豆粒。堅硬作痛。微心。

寒熱類瘡。宜瀉火清心為主。

黃連

黃芩

連翹

銀花

黑梔

地丁草

虎邱王

舌菌之形。頭大蒂小。突如蓮子。狀若雞冠。舌不能伸縮。

或裂出血。仍然堅硬。有妨飲食。難治之證也。因心緒煩擾。則生

火。思慮傷脾。則生鬱。鬱極火盛。則怒芽逆發矣。今以導赤甘露

飲作支持之計。倘能悅性怡情。勝乞靈於藥石也。

犀角尖

木通

生地

知母

石斛

銀柴胡

茵陳

甘草

黃芩

麥冬

枇杷葉 淡竹葉

震澤吳 舌上生孔細如鍼尖大如筋頭孔色紫黑失血如泉此係心火上炎以致血熱橫行而致舌衄急擬升麻湯兼搽必勝散可免腐爛之慮。

升麻

小蘗草 生地

炒黑側柏葉

艾葉

寒水石

荷葉

茜草

附必勝散方

炒蒲黃

螺青

共研細末搽患處用鹽湯漱

此症奇方類編用

淡豆豉三升水三升煮沸服一升日三服

又葛氏方

舌上血出如箸孔者用

巴豆一粒亂髮維寸大

燒研細末酒下能靜註

松江俞 心火妄動。痰隨火結。舌下紅腫。作痛。生成痰包。以清火消痰為主。

川貝母 蒲黃炭 杏仁 桔梗 蘇子

天竺黃 遠志炭 石斛 竹茹

覆方 舌下紫泡已癰。惟脹痛不減。火結痰涎。驟難清楚。仍宗前法。

陳膽星 刮橘紅 川石斛 蘇子 川貝

瓜蒌仁 車前子 蒲黃炭 射干

宜興汪 平素好飲。濕熱上壅。遂令舌腫。名曰紫舌脹。形弦火。

濕燥難投。且議生津滋降。未識妥否。

大生地 柏子仁 瓜蒌皮 石斛

車前子 枳椇子 蓮子心 葛花

威澤金 上脘癰。心脾鬱結所致。成膿最易。收口極難。延久必成多骨。

川貝母 連翹 料豆 花粉 蘆根

夏枯草 甘草 桔梗 石斛

荻塘陶 舌本屬心。舌邊屬脾。二經鬱熱。則舌本作腫。發為舌菌。

最難調治。姑擬清涼豁痰。未許必中病機。

石斛 天竺黃 川貝 遠志 茯苓

石決明 蒲黃

梅塘邱 上脰腫痛。纏綿半載。形如馬乳。下垂堅硬不潰。係手足太陰濕熱而成。延久恐鼻中流紅。使難治矣。

澤參

白芍

連志炭

茜草根

川貝母

珍珠粉

石決明

蒲黃炭

嘉善張

頷下腫痛。是風痰結聚。防發重舌。

防風

桔梗

前胡

杏仁

茅草根

荊芥

馬勃

殭蠶

牛蒡子

德清蔣

衣鬱生風。舌本作痛。用柔肝苦泄之法。

羚羊角

連翹

石決明

杏仁

夏枯草



薄荷

黑山梳

池菊

附末藥方

珍珠

牛黃

青黛

燈草灰

茶茗灰

共研細末。抹患處。

川沙張

舌裂起泡。遇夏即發。屬陰不制陽。

熟地

石膏

懷牛膝

麥冬

知母

金釵石斛

武康余

舌下吊痛。痛引頭角。乃心脾火鬱。上衝之症。最難調治。

沙蔞菴

天竺黃

車前子

遠志

靈磁石

青荷蒂

懷牛膝

蒲黃

某婦

近交秋令。燥氣如臨。先揚於上。是為肺燥之咳。然下焦久虛。

厥陰透咽。少陰循喉。往常口燥。舌糜。是下虛陰火泛越。先治時病。燥氣化火。暫以清潤上焦。其本病再議。

白扁豆 麥冬 玉竹 白沙參 甜杏仁

象貝母 捲心竹葉 冬桑葉 糯米湯煎

覆方。夏熱秋燥傷津。陰液更傷。口。齒。咽喉。受病。都屬陰火上乘。氣熱失降。使然。進手太陰。清燥甘涼方法。甚安。其深秋初冬。調理大旨。以清上實下。則風熄液潤。不致中厥。至冬至一陽初復。再議。

燕窩菜 甜梨 人參 九製熟地 天冬

麥冬 黃耆皮 五味子 炙黑甘草 雲茯苓

吳 脈弦小數。形體日瘦。口舌糜碎。肩背掣痛。肢節麻木。膚燥搔  
瘡。頭目眩暈耳鳴。已有數年。此屬操持積勞。陽升內風。旋動燥  
筋。損液。古有壯火食氣。皆陽氣之化。先擬清血分中熱。繼則養  
血。熄其內風。安靜勿勞。不致痿厥。

生地

元參

天冬

丹參

犀角

羚羊角

連翹

竹葉心

九方

何首烏

天冬

生白朮

黑芝麻

冬桑葉

女貞子

茯神

青鹽

張氏 失血口碎。舌泡。乃情懷鬱勃。內因營衛不和。寒熱再熾。病鬱  
延久。為勞所喜。經水尚至。議手厥陰血分主治。

犀角 金銀花 鮮生地 元參 連翹心

鬱金

李 老年情志不適鬱則少火變壯火知飢脘中不爽口舌糜腐  
心脾營損木火劫燠精華肌肉日消惟怡悅開爽內起鬱熱可  
平但執清火苦寒非謂情志內因鬱熱矣

金石斛 連翹心 炒丹皮 冬桑葉

川貝 茯苓

接服方 養心脾之營少佐苦降法

人參 川連 炒丹皮 生白芍 小麥

茯神

許厥陰少陰。臟液乾涸。陽升結痺於喉舌。皆心境失暢所致。藥無效者。病由情懷中來。草木涼藥。僅能治六氣外寒之偏耳。

熟地

女貞

天冬

霍山石斛

茯神

柏子仁

楊濁飲頻飢。澁溺渾濁。此屬腎消。陰精內耗。陽氣上燔。舌碎絳赤。乃陰不上承。非客熱耳。此乃臟液無存。豈是平常小恙。

熟地

萸肉

山藥

茯神

牛膝

車前

唐鼻煤唇裂。舌腐。頻與苓連。熱不肯已。此病本輕。用藥重於攻擊。致流行之氣。結閉不行。鬱遏不通。其熱愈甚。上則不嗜飲。不納食。小溲頗利。便必管痛。三焦皆閉。神昏痰癡。有諸。

連翹心 鮮石菖蒲汁 川貝母 杏仁

射干 淡竹葉

唐 脈左沉小。右弦。兩足腰膝無力。舌本腫脹。齶頭轟然蒸熱。痰涎湧出味鹹。此腎虛收納少權。督脈不司約束。陰火上泛。內風疼痛久延。痿厥沉疴。病根在下。通奇脈。以收拾散越之陰陽為法。

虎潛去知柏歸加枸杞青鹽羊肉膠丸。

何 脈沉目黃舌腫。周身四肢疹發。胃痛肢末皆腫強。遇冷飲涼即病。此久伏濕邪。陽氣傷損。議溫氣分。以通周行之脈。

發疹舌腫能用

熱燥時  
醫不多

川烏頭 生白朮 桂枝木 茯苓

半夏 薑汁

艾 上焦之病。都是氣分。氣窒則上下不通。而中宮遂腹熱氣蒸灼。喉舌疳蝕。清氣之中。必佐解毒。皆受重藥之累。痺。

銀花 川貝 馬兜鈴 連翹心 川通草

白金汁 活水蘆根汁

治病先按經絡虛實。如用兵先按紀律陣法。臨時變化出入。皆在於人內經云。經脈者。所以能決死生。處百病。調虛實。不可不通。夫舌者。心之苗。脾之本也。心脾腎三經之脈。俱走其間。此三經為病最多。手少陰心之別脈。名曰通里。循經入於心。繫舌本。

心氣通於舌。心和則能知五味矣。脾氣通於口。脾和則能知五穀矣。心與脾雖分二竅。實合為一竅也。足太陰脾脈上膈。挾咽。連舌本。散舌下。為病有舌本強。舌本痛。足少陰腎之脈貫於舌本。足少陰腎之脈上繫於舌。絡於橫骨。終於會厭。足少陰為病。有口熱。舌乾。咽閉。舌者。聲音之機也。懸雍者。聲音之關也。重舌。刺舌柱。以披針也。膀胱移熱於小腸。高腸不便。上為口糜。故舌之症。皆從內發。為病最速。性命立傾。為內科者。豈能不慎重歟。今輯舌症三十二方。雖不能分條晰縷。總不能離乎心脾腎三經。心經之熱。以苦寒折之。腎經虛火。以鹹寒降之。脾經濕痰。之滲濕化痰。營分血熱之清營涼血。在上焦者。用藥輕清。在下



焦者用藥柔膩。一方之中有一方之妙用。先哲手澤滿紙玲瓏。鄙人管窺之見。理難盡述。按經索治。割裂經文而為之論。惟願高明心領神會。發其精義。斧削翻刊。亦鄙人之大幸也。余聽瀉

附治驗 常熟東門老塔後盧姓太太。是晚至寓就診。脈來浮。裏滿口出血。盈盈。彼自謂出血齒縫。余燈下觀之。血凝滿口。不能清切。以齒齧治之。投以玉女煎。陽明少陰合治。明日出血更甚。邀余就診其家。脈仍浮數。滿口血糜模糊。吐血滿地。余令其用涼水漱口。將血拭淨。細看其齒齧不脹。並無血出。見其舌上血衣一層。用箸撥開。舌如注。舌上小孔無數。皆如針頭。余曰。此乃心脾鬱熱。血熱妄行。舌衄也。急用蒲黃。槐花炭。研末敷之。

造犀角地黃湯。加蒲黃。皮中白。青鹽。鹹寒。滋降等品。合四生飲。一劑而止。所以診病若不細心。仍作齒衄。治之不效。血出過多。危險難說。

常熟沖天廟貢某。先因濕溫漫熱不寒。脈來滯澀。胸脘痞阻。漫赤作嘔。邀余診之。以溫膽湯。加入淡滲苦洩之品。不能速效。病家又延某。即病者之至友也。病者商於醫曰。若能下去宿垢。腹中痞阻可鬆。某徇病人之情。即用涼膈散數錢於劑中。內瓜萸仁。元明粉。下之。皆稀糞。明日漫熱不止。腹內仍痞不舒。某因下之不效。某代延其師診之。仍用瓜萸。芒硝。枳實等下之。不效。後兩頰作脹。舌澀。言語不清。停二三日。湯飲不能下矣。舉家驚惶。

其兄貢某來寓商之於余。余再往診之。已有瘍科某診過。方案中云。舌卷囊縮。鞭長不及馬腹。不治之症矣。余脫病人袴。視其腎囊。蹇而不收。並不縮。燃燈細視其舌。腫而且厚。雖短不癢。以指捫之。硬強無津。惟飲不能入。語不能出也。各人紛紛議論。或云腎津告涸。非人參五味不可救。或云非生地阿膠不能滋。余曰。此乃非津竭。如津竭。舌縮。其舌癢。皮皺。色紫。頷下不脹。余捫其舌。強硬而厚。此乃熱陷心脾。重舌。舌疔之類也。內經重舌。刺舌柱以披鍼也。外科金鑑云。重舌等。將針刺其舌。血色紅者生。色黑者死。非鍼刺不可。阿膠。生地。人參。五味。有虛實膏壤之殊。他人皆曰。若云好刺。更妙。非君不可。余曰。事已在急。雖非外科。

且從權耳。將鐵一枚。用竹著一隻。劈開。夾在其中。用線紮緊。露鋒二三分。按舌刺之七八處。以紙拭之。血色尚紅。後再刺之。見舌上有白泡。以指捺出者之膿也。再儘力按之。膿漸潰出。進清熱消腫之方。當夜喉間漸鬆。漸能進飲。數日漸消。能進稀糜。後起手臂伏兔等處。流痰數塊。余曰。即請瘍科治之。後延瘍科治。月餘。皆曰膿尚未成。有江陰戚彥卿先生。來常熟。薦其診之。曰。膿皆成熟。若不開洩。傷筋爛骨。彥卿一一開之。進以補托。數月而痊。所以若遇內外兼症。內外科各相推諉。拘延時日。鮮有不誤者也。余聽鴻誌。

○咽喉

蘇州張 腎陰素虧。肝陽上升。喉間紅腫。作痛。名曰喉珠。證屬延綿。最難速愈。

北沙參

穠豆皮

煇礪砂

青鉛

蔗漿

青橘葉

瓜萋霜

黑山梔

川貝

覆方 自服藥以來。胃氣頗健。喉痛得減。惟痰涎頻吐。總屬腎陰虧。而痰涎上泛。當舍標治本。庶有愈期。不可作喉醫治。

潼沙苑

洋青鉛

真青鹽

懷牛膝

川貝

瓜萋霜

穠豆皮

金石斛

煇化礪砂

悉聖陸 咳嗽聲嘶。咽乾。舌絳無津。會厭不利。難耐酷暑。名曰喉癰。擬用汁法。以延交秋。令生金。再商調補。

甜杏酪 糯米露 荷花露 梨汁

銀花露 茅根露 枇杷葉露 蔗漿

高酒陳 乳蛾紅腫法宜清散。

前胡 防風 牛蒡子 花粉 杏仁

荊芥 桔梗 甘草

黃山鄒 喉痺多年。反覆不痊。當從脾胃清理。證可不復矣。

北沙參 麥冬 橘白 官燕 瓜蒌霜

川貝母 茯苓 煇化青鹽

南翔董 喉間點雷。舌底紫泡。此屬君火不潛。虛陽上越所致。脈來並無數象。不可苦寒直拆。擬清養滋降法。

北沙參 柏子仁 車前子 龜腹版

瓜萸霜 川石斛 蓮子心 川貝母

石門田 遠年足瘍。營衛兩虧。陰固於下。陽熾於上。以致咽喉痛痺。妨碍納穀。咳嗽音啞。脈來細數。擬以潤降清肅。後商固本。

枇杷葉 竹茹 蘆衣 甜杏仁

瓜萸霜 石斛 蘇子 川貝母

覆方 陰損三年。入夏咽痛。拒納。潤降清肅之後。聲音稍亮。胃氣漸甦。以開音潤肺法。

南花粉 金釵石斛 蘇子 北沙參

蘆衣 函函川貝 杏仁 鮮枇杷

又覆方。清肅後咳。嗆喉痛。漸次平復。惟足瘍未愈。乃血氣未充之故。仿甘緩一法。使陰陽和協。外瘍自愈。

北沙參

石斛

苡米

桑白皮

生地

麥冬

龜版

甘草

茯苓

糯稻根鬚

杭州節

喉間痺痛。濕火上升。乃平昔嗜酒所致。擬醒酒利濕治之。

枳椇子

葛花

花粉

陳皮

麻仁

石決明

槐米

茯苓

澤瀉

濮院唐氏經漏帶下綿綿。腰膝痠軟。乃衝絡虛。手少陽三焦之火。上循於喉。結為喉癰。誤投寒涼。痛反甚。食物有碍。當以溫衝任。



喉疾帶下。可均治矣。

丹參

羌蔚子

川石斛

白芍

兔絲子

柏仁

女貞子

枸杞子

川貝

嘉善張

喉痺遺洩。水虧木旺。當以甘涼。益坎滋木。

生地

麥冬

茯苓

丹皮

北沙參

黃柏

芡實

知母

柏子仁

蘇州彭

英年內虧。腎液不藏。君相之火上越。以致喉間紅腫。蓄

斑密密。納物不利。成為喉痺。最不易治。又兼課讀勤勞。心志愈耗。即施鹹降之法。亦不過片時之效。欲得全瘳。以怡悅心神為

要旨。

北沙參 稽豆皮 花粉 官燕 柏子仁

人中白 青鹽

陳墓張 喉痺。

蘇子 川貝 鈎藤 薑汁 百藥煎

馬勃 竹瀝 童便

太倉周 咳嗽喉痺。

人乳粉 三錢 川貝 二錢 人中白 三錢 梨汁送下

震澤倪 肝氣上逆。會厭不利。漸成梅核膈。

代赭石 遠志炭 月石 鈎藤 百藥煎

杜橋紅 蘇子 花粉

外訂醫書卷之二  
橫涇王 風痰結聚。咽嗑腫繞於外。喉間白粒。形如瑞雪。名曰肺  
花瘡。治宜清理肺熱。

羚羊角 連翹 花粉 牛蒡子 荆芥

薄荷 桔梗 甘草

蘆墟卞 穢濁上受。咽喉腫痺。擬芳香逐穢。

佩蘭葉 馬勃 山梔 牛蒡子 青蘘梗

捲竹心 連翹 桔梗

洋城沈 喉痺經年。藥難奏效。全恃怡情。勝於苦口。

枇杷葉 青橘葉 杏仁 柏子仁 花粉

北沙參 瓜蒌仁 青鹽

黎里秦 咽喉紅腫微痛。不寒熱。口渴。此屬肝胃氣逆。當以清胃平逆治之。

青蔥管

新絳

元參

橘紅

薄荷

白蘆根

連翹

常熱。少陰之脈。上循喉嚨。虛陽上亢。水不制火。喉腫如此。時

現時伏。名為喉珠。此屬浮遊之火。姑擬滋水一法。俾龍潛火熄。

大生地

懷山藥

茯苓

川貝

人中白

柏子霜

北沙參

丹皮

麥冬

周莊威 溫痧咽痛。肺胃受毒。毒從風化。宜祛風肅肺。

牛蒡子

連翹

防風

馬勃

甘草

山豆根

杏仁

桔梗

荊芥

茅根

青浦毛

咳嗽微寒熱音啞喉痛證屬風熱伏肺。法宜涼散。

牛蒡子

前胡

薄荷

杏仁

蘆根

山豆根

象貝

元參

甘草

唐栖姚

咳嗽咽痛風痰閉肺。

山豆根

薄荷

元參

黃芩

杏仁

紫蘇葉

橘紅

薑汁

南潯張

咽喉是少陰循經之處乾而不痛。是為喉痺。非外感之

症未易圖治。

生地

熟地

甜杏仁

川貝母

麥冬

天冬 茯苓 瓜蒌霜 生雞蛋清

糯稻根鬚

蘇州蔡 風濕咽痛。清散為主。

牛蒡子 荊芥 薄荷 杏仁 橘紅

蘇子 連翹 茅根

東山孟 咽喉腫痛。形似蚕蛾。是肺胃風熱。久延不愈。宜滋養清

散。不可過涼。抑遏。

北沙參 花粉 杏仁 橘紅 連翹

萊豆芽 川石斛

吳江徐 雙乳蛾。較單雖易。然寒熱頭痛。脈浮胸悶。防發爛喉痧。

牛蒡子 花粉 荊芥 茅根 前胡

苦杏仁 防風 桔梗 甘草

無錫王 按尺脈無力。腎水虧損。虛陽逆衝於上。以致喉間腫痺。舌根芒刺。係少陰脈。猶喉嚨繫舌本。俱係心火所司。清擬溢水。降納虛陽。俾漸漸向愈。

北沙參 麥冬 天橋葉 川貝母

柏子仁 茯苓 蓮子心

附吹藥方 牛黃 五厘 珍珠 一錢五分 燈草灰 五分

天竺黃 五分 硃砂 四分 川貝母 一錢二分 人中白 五分

青浦呂 喉蛾。

北沙參 麥冬 花粉 龜版 百藥煎

稽豆皮 川貝 丹參

附繼擬喻化丸方

珠粉 五分 梅片 三分 瓜蒌霜 五分 孩兒茶 五分

月石 五分 青黛 二分 燈心灰 五分 烏藥炭 三分

橄欖炭 五分 煉蜜為丸

太倉沈 陰虛喉痺。

北沙參 麥冬 花粉 龜版 川貝

稽豆皮 柏子仁 元參

新市汪 真陰虛弱。津液不能上供。咽乾起瘰。妨碍飲食。是為喉



癰。非輕候也。

中生地

麥冬

花粉

石斛

玉竹

百藥煎

北沙參

柏子仁

桐鄉張

下焦陰火。上灼肺金。以致咳嗽咽痛。釀成喉癰。故宜清

肅降納法。

紫苑

石斛

杏仁霜

蘇子

通草

桔梗

蘆衣

瓜萸霜

蠶聖陳

陰火上浮。喉痺妨食。

沙蒺藜

川貝

茯苓

知母

丹皮

瓜萸霜

官燕

黃柏

蘇子

川石斛

安慶戴 老年肝腎液涸。陽升無制。結草喉間。有翻花之勢。并防  
失血。此係內傷心志。非寬解懷抱。難於奏捷。

製首烏

車前子

川貝

遠志

懷山藥

石決明

穉豆皮

蘆根

附吹藥方

珍珠四分

金果蘭炭五分

黃絹反四分

川貝四分

牛黃二分

橄欖炭三分

蒲黃炭五分

青黛二分

冰片二分

共研細末

南翔鮑 心脾實火。被外寒所遏。痰涎壅塞。咽喉作痛。音啞言寒。  
舌出不收。時時攪動。常欲以手捫之。名為弄舌。喉風。外用鍼刺  
少商。內以清咽利膈為主。

連翹

薄荷

元參

大黃

防風

桔梗

荆芥

甘草

黃連

黃芩

芒硝

山梔

銀花

牛蒡子

此涼膈散加味

南京凌 口内生肉球有根如線長計五寸吐之乃能納食搗之

痛徹心臆此屬異症治無成法議清心開竅法。

犀角

連翹

薄荷

生地

丹皮

鮮石斛

當門子

甘草人中黃

此證載奇方類編然則用麝香當門子一錢研細開水服之三

日自消先生合犀角地黃意加以清心解毒之品云治無成法

先生胸中早有成竹何其謙哉使余讀之肅然起敬 鵬鳴註

嘉興陸 咽喉生瘡。層層如蛇蛻魚鱗。不覺痛楚。日久有竅流出。臭水。飲食漸減。證屬怪異。本非順候。姑擬煎劑。以探消息。

臭橘葉

山梔

青黛

荷葉

臭橘。綱目名枸橘。是種為籬藩之橘。橙。此證載夏子益奇疾方。用臭橘葉一味煎服。先生治病每以成法成方。不敢私心自用。案中所云。以探消息。不此今時症未看透。妄書一方。以探消息等語。大不相同。此二案先生學有本源。謙和謹慎。年高德進。豈虛語哉。余讀之。頰頰汗脊。聽鴻註

本城易 肺胃蘊熱。積久生痰。外受風邪。塞窒會厭。啞不能言。痛楚異常。漸漸牙關緊急。證屬至險。風波莫測。且先通關。方能下

藥。

牛蒡子

射干

山豆根

防風

荆芥

瓜蒌仁

薄荷

苦杏仁

連翹

竹瀝

震澤陶

風火相搏

咽喉卒然腫塞

痰涎上壅

聲如拽鋸

脈來洪

數

名曰緊喉風

數名曰緊喉風

非肺絕喉痺也

法擬結者開之

鬱者發之

之義

牛蒡子

連翹

防風

薄荷

甘草

青竹葉

桔梗

枳殼

荊芥

此二藥

風邪閉塞於肺

鬱結不通

急喉風症也

治之在速

急宜

宣肺化痰

祛風清熱

中病者

十中難救二三

如拘疑不決

立刻

而危切

不可信張景岳

肺絕服參之論

豈有卒然而起

有肺絕

而危切

不可信張景岳

肺絕服參之論

症者乎。或久病咳。音啞。臨危起疾。肺絕。尚有一說。葉天士先生。景岳發揮。言之已詳。余毋庸多瀆矣。聽鴻註

蘇州史。下痢咽痛。寒熱不渴。脈來虛弱。此為腎者。擬半夏甘桂湯主之。

桂枝

甘草

茯苓

米仁

補骨脂

乾薑

半夏

桔梗

澤瀉

半夏甘桂湯者。即仲景桔梗湯。半夏散及湯。茯苓甘草湯意也。腎為寒水之藏。膀胱為寒水之府。土為水之制。濕著於腎。土被水溢。土無生發之機。不得輸精於肺。津液不能上承。虛陽阻格。不潛。故不渴。而咽痛也。水漬於腸間。而為之痢。仲景桔梗湯治。

喉痛喉痺。取半夏、辛滑、通陽而降逆。開痺。苓瀉、米仁。滲利膀胱。泄表。即安裏也。取善桂之溫通寒水。蒸動內積之濕。甘草之益土和中。土旺可以制水。濁陰降。水去。則痢可止矣。清陽升。津液上布。則咽痛可平矣。此乃少陰腎實之方。以尅之洩之。使其平也。與少陰腎虛之方。填之滋之。兩相對待也。先生立方。深得仲景之心。幾補骨脂。雖云溫腎。其性固滯。若易白朮一味。扶土生津。止痢為醕。外科正宗治虛火上攻咽喉乾燥作痛。腹疼。欲嘔。用理中湯。經驗秘方。以桔梗湯。加人參黃耆。名人參甘草湯。治咽喉腫痛。若有腫痛。加生薑。鎖碎錄。有病喉痛。且患河魚之疾。一良醫。以紫雪裏理中丸服之。二疾皆愈。蓋紫雪入喉即化。理

中入腹而溫也。咽喉呼吸之要。誤之最險。專於喉科者。臨症虛實寒熱。上病治下。下病治上。隔二隔三等法。三復思之。治病立方。可無遺憾矣。賂鴻註

慈谿李 喉間窒塞。六脈虛數。係出水虧。津失上供。議以填陰。鹹降之法。

熟地

玉竹

人中白

百合

柏子仁

龜版

甘草

枸杞子

麥冬

雞蛋黃

旬容徐 歎久不已。喉痺音啞。日晡寒熱。脈形細數。當此燥石流金之候。焉得不增重也。議仲景少陰咽痛法。用豬膚湯主之。

豬膚

去淨油

二泉驢皮膠

北沙參

麥冬



川貝母

知母

百合

花粉

建白蜜

長興胡 濕熱鬱蒸於中。陰液不能上供。遂致咽中乾燥窒塞。脈

形沈細。當與開鬱洩蒸化濕之品。

乾佩蘭

茯苓

陳皮

竹茹

瓜蒌皮

黑山梔

米仁

砂仁殼

川鬱金汁

某 喉痺咳嗽。脈右大而長。

生扁豆

麥冬

北沙參

川斛

青蔗漿

周 怒動肝風。筋脹脇板。喉痺。

阿膠

天冬

柏子仁

牡蠣

小麥

趙 右偏頭痛。鼻竅流涕。竹不通爽。咽喉疔腐。寤醒肢冷。肝出外。

邪頭風已留數月。其邪混處精華氣血。咸為蒙閉。豈是發散清寒可解。頭顛藥餌。務宜清揚。當刺風池風府。投藥仍以通法。苟非氣血周行。焉望却除宿病。

西瓜翠衣 鮮薑根 苡仁 通草

煎送蠟礬丸

陳 喉痺目珠痛。吸氣短促。曾咯血遺精。皆陰不內守。孤陽上越。諸竅當填下和陽。

熟地 枸杞炭 旱蓮草 菊花炭

女貞 茯苓

李 勞怯。形色奪。肌肉消。食減。便滑。兼痰。喉痛。知醫理者。再無清

咽涼肺滋陰矣。病人述心事操持病加顯然內損。關係臟真。冬寒藏陽。人身之陽氣升騰。陰陽失交。收藏失司。宜見病治病。膚淺之見識。據述食進逾時。必有痛瀉。經言食至小腸。變化屈曲。腸間有阻。常有諸矣。凡湯藥氣升。宜丸劑珠補。食後服資生丸。方列後。

人參

坎炁

茯苓

黑殼蓮子

五味

芡實

山藥漿丸

史 輕浮苦辛治肺。咳嗆頗減。咽痛紅腫。塞窒既久。瘳而成毒。益乾不喜飲。舌色淡不紅。仍清氣分。佐以解毒。

雞子白

麥冬

大沙參

金銀花

蔗漿

菜豆皮

孫 脈搏大陽不下伏咳頻。喉痺暮夜為甚。先從上治。

生雞子白 生扁豆 玉竹 白沙參

麥冬 地骨皮

某 據血後咳嗽咽痛音啞。少陰已虧。耗藥不易治。

糯稻根鬚一兩 生扁豆五錢 麥冬三錢 川斛一錢五分

北沙參一錢五分 茯神一錢五分 早服都氣丸淡鹽湯送

下

某 夫音咽痛。繼而嗽血。脈來滑數。已成勞怯。幸賴能食胃強。勿見咳治咳。庶幾帶病延年。

細生地

元參心

麥冬

細川斛

鮮蓮子肉 糯稻根鬚

范 氣燥，喉痺，失音，少陽木火犯上。

生雞子白 冬蠶葉 丹皮 麥冬

白扁豆皮

孫 久咳，失音，喉痺。

陳阿膠 雞子黃 炒麥冬 川斛 茯神

北沙參 炒生地 生甘草

毛 溫邪熱入營中，心熱悶，脇肋痛，平素痰火，與邪膠結，致米飲

下咽皆脹，老年五液已涸，忌汗忌下。

生地

麥冬

杏仁

鬱金汁

橘紅

炒川貝

周病起旬日，猶然頭脹，漸至耳聾。正如內經病能篇所云：因於濕，首如裹。此呃忒鼻衄，皆邪混氣之象。況舌色帶白，咽喉欲閉，邪阻上竅，空虛之所。諒非苦寒直入胃中，可以治病。病名濕溫，不能自解，即有昏瘖之變。醫莫泛稱時氣而已。

連翹

牛蒡子

銀花

馬勃

射干

金汁

葛 噴怒喧嚷，氣火逆飛，致喉痺咽痛，食物厭惡，耳前後，連肩閃刺，譏解少陽。

夏枯草

丹皮

桑葉

鈎藤

山梳

地骨皮

吳脈弦漚數。頸項結癭。咽喉腫痛。痺阻水穀難下。此皆情志鬱勃。肝膽相火內風上循清竅。雖清熱直降。難制情慄之陽。是以頻藥勿效也。

鮮枇杷葉

射干

牛蒡子

蘇子

大杏仁

紫降香

某

燥大上鬱。銀腫咽痛。當辛涼清上。

薄荷梗

連翹殼

生甘草

黑梔皮

桔梗

萊豆皮

牛骨髓 羊骨髓 猪骨髓 麋角膠 各四兩

用建蓮肉五兩、山藥五兩、芡實二兩、同搗為丸。

某氏氣逆壅熱於上。齟腫喉痺。胸悶腹腫。七月太陰司胎。法宜宣化清上。

連翹 蘇梗 川貝 杏仁 花粉

菊花 橘紅 牛蒡子

爛喉痧

青浦沈 風熱伏於脾胃以致喉間紅腫作痛。寒熱脈數。治宜辛涼。防成爛喉痧。

羚羊角 連翹 杏仁 薄荷 元參 馬勃



牛蒡子

象貝

山柃

蘆根

鮮生地

太倉查 咽痛發疹。四日不解。是為爛喉痧。擬清透法。

牛蒡子

防風

杏仁

前胡

蟬蛻

淡豆豉

荊芥

桔梗

馬勃

茅根

附洗足方

青蔥管

紫蘇梗

煎湯重洗兩足

光福王

溫邪內伏。痧發不透。咽喉痛腐。宜清脾胃之熱。

甘草

葛根

杏仁

荊芥

牛蒡子

馬勃

前胡

桔梗

淡豆豉

大豆黃卷

游聖關蔣

時痧寒熱不解。又增喉痛。防其腐爛。熱邪內陷之象。

姑與清理。

根生地

鮮

大豆卷

黃芩

天竺黃

人參

牛蒡子

馬勃

銀花

甘草人中黃

南翔陳

素有喉痺。又感風溫。風乃天之陽氣。溫乃化熱之邪。兩

陽熏灼。蒸鬱上焦。以致喉間腫腐。成為爛喉風。按脈浮數。熱勢

正盛。擬祛風化痰法。

防風

杏仁

薄荷

葛根

馬勃

前胡

茅根

桔梗

牛蒡子

○疫癘喉痧

朱 疫癘穢邪。從口鼻吸入。分布三焦。瀰漫神識不清。不是風寒

客邪。亦非停滯裏症。故發散消導。即犯劫津之戒。與傷寒六經。

外證醫案彙編

卷二 口部

咽喉

三

大不相同。今喉痛。丹疹。舌如珠。神躁暮昏。上受穢邪。逆走膈中。當清血絡。以防結閉。然必大用解毒。以驅其穢。必九日外不致昏憤。冀其邪去正復。

犀角

連翹

生地

元參

菖蒲

鬱金

銀花

金汁

姚 疫毒。口糜。丹疹。喉啞。治在上焦。

犀角

銀花

元參

連翹

金汁

鮮生地

石菖蒲

至寶丹

評

口鼻吸入穢濁。自肺系漸于心胞。初病喉痛舌燥。最怕竅閉。神昏之象。疫毒傳染之症。不與風寒停滯同法。

元參

連翹

鬱金

銀花

石葛蒲

龍葉

射干

牛蒡

沖入真白金汁一杯

顧平昔腸紅陰絡久傷左脇下宿痰肝家風氣易結形瘦面青陰虛陽易胃血絡不得凝靜諸陽一并遂為厥衝氣自下犯胃為呃症似蓄血如狂奈脈細勁咽喉皆痛真陰枯槁水液無有風木大震此劑劑強鎮不能熄其厥胃耳

生雞子黃

一枚

真阿膠

二錢

淡菜

五錢

龜板

五錢

童便

一杯

某氏氣逆壅熱於上。齟腫。喉痺胸悶腹腫。七月太陰司胎。法宜清化宣上。

川貝

牛蒡子

連翹

蘇梗

杏仁

花粉

菊花

橘紅

某 喉癢痛未愈。下體有漏。時有夢泄。

炒熟地

麥冬

魚線膠

黃明膠

地骨皮

人中白

山藥

湘蓮

驚一個泥塗煨存性研末共前藥末生雞子清而丸

某 喉痛原屬少陰。今痛止而猶腫。左關弦滑。陰虛有火。并挾熱

痰。須滋其化源。佐以清熱之品。

熟地

山藥

茯苓

澤瀉

琥珀

濂珠

辰砂

燈心

人中白

石決明

阿膠化開和

某 脈弦數尺獨大咳而喉痛失音乃數載失紅之後其陰虛火  
炎不可言喻矣。唯有至靜之品引陽潛入陰中庶近內經之旨。  
然須作靜養工夫使陰秘陽密得坎離相交之力為妙。

熟地

海石粉  
搗爛

金石斛

北沙參

茯苓

麥門冬

生白芍

某 素有喘症。形氣怯弱。咽痛不腫。時咳。此新感風溫在肺。氣不  
下肅。尚宜清降。

桑葉

白沙參

塊茯苓

川貝母

杏仁

南棗肉

咽候其竅則一其路兩歧。經曰咽候者。水穀之道路也。咽候小

腸者傳送也。喉嚨者，氣之所以上下者也。又曰：天氣通於肺，地氣通於嗌，喉為肺之系，咽為胃之系。天之風寒暑濕燥火從喉入肺，地之臊焦香腥腐從咽入胃也。以此悟之，喉者，主氣之上。下由肺入心，由心入脾，由脾入肝，由肝入腎，貫通五藏，藏而不洩，使呼吸者也。咽者，水穀之道路，由咽入胃，由胃入小腸，化糟粕，泌水穀，分入膀胱。大腸貫通六腑，洩而不藏，使傳送者也。以此釋經文，咽喉顯然兩途矣。內經三陰三陽，皆任，各有喉症。先以經義述之於前，再以治法書之於後。庶幾臨症稍有把握。經云：足陽明之別，上絡頰頰，合諸經之氣。下絡喉嗌。其病氣逆，喉痺，痺瘖。足陽明，其支循喉嚨。其病頰腫，喉痺，手陽明為病，頰腫。

口乾喉痺。手陽明少陽風逆發喉痺。噤腫喉痺不能言。取足陽明能言。取手陽明三焦手少陽也。是動則病噤腫喉痺。邪客於手少陽之絡。令人喉痺。舌卷口乾。少陽司天三之氣。喉痺目赤。善暴死。少陽司天客勝則丹眇外發。喉痺頭痛。噤腫。及少陽也。肝中之將也。取法於膽。咽為之使手太陽脈入缺盆。插咽下膈。為病有噤痛。太陽在泉寒淫所勝。民病噤痛。頰腫。足太陰之脈上挾咽。連舌本。為病有舌本強。舌本痛。太陰在泉。噤腫喉痺。太陰之勝。喉痺項強。厥陰所謂甚則噤乾。熱中者陰陽相薄而熱。故噤乾也。足厥陰之脈循喉嚨之後。為病有噤乾。手少陰脈出心系。上挾咽。為病有噤乾。足少陰之脈循喉嚨挾舌本。為病



有口熱舌乾咽腫。嗑乾及痛。少陰司天。嗑乾腫上。嗑乾口中熱。如膠。取足少陰邪客於足少陰之絡。令人嗑痛。不可內食。無故善怒。衝任之脈起於臍中。循背裏為經絡之海。循腹上行。會於咽喉。絡於唇口。督脈為病。嗑乾三陰三陽及奇脈皆有咽喉之疾。十二經惟太陽行腦後。從背其餘皆湊咽喉。內經獨云一陰一陽結謂之喉痺者何也。少陰君火一陰也。少陽相火一陽也。因指火而言之也。君火者太陽離宮之火也。相火者龍雷坎宮之火也。手少陰心脈挾咽。足少陰腎脈繫喉。龍三焦為水火之道路。君相二火假道相通。坎離既濟。水火平勻。咽喉本無疾病。二火獨勝。氣熱火結。三焦道路閉塞。陰不能上承。陽不能下降。

氣熱則結。結則腫。腫則痺。痺甚則不通而危矣。咽喉各症頭緒紛繁。治法總不出虛實兩字而已。外來之火為實。內生之火為虛。有餘之火為實。不足之火為虛。夫外來之邪為實。即風熱犯上。溫疫流行。治之在急。緩則傷人。外來暴熱。若不傾盆暴雨。熱勢難消。治法不出辛涼解散。鹹軟化痰。如疫癘喉痧。芳香洩濁。解毒驅穢。爛喉痧。辛涼解肌。清透化熱。風火鬱結之清。輕涼解急。喉風。纏喉風。痰如拽鋸之通。開化痰。開鬱。單乳蛾。雙乳蛾。輕清滋養。此治外邪之大概也。內生之火為虛。寒氣凝結。真陽閉鬱。虛陽雷電上騰。若不雜照。當空陰霾不能消散。龍雷斷難潛伏。治法故以熱藥導之也。如腎著不渴。咽痛之半夏甘桂湯。心

事操勞。陽氣升騰。之人參坎。炁腎厥。喉如刀刺之。本事椒附湯。  
此治内生之火大概也。有餘之火為實。何也。或酒濕熏蒸。肝氣  
鬱遏。厚味壅熱。皆有餘之火也。祇能因其病而治之。如嗜酒太  
過之醒酒利濕。心脾積熱。痰涎壅塞。弄舌喉風之清咽利膈。濕  
熱鬱蒸。津不上供之開鬱洩蒸。噴怒喧嚷。氣火逆飛之疎解少  
陽。氣逆壅熱。喉痺腹脹之宣化清上等法。皆治有餘之火大概  
也。不足之火為虛。何也。或久咳喉啞。喉癰。喉痺。喉草。喉珠。等是  
也。如水虧木旺。喉珠之甘涼鹹寒。喉間點膏。舌底紫泡之清養  
滋降。瘍症氣血未充。喉疔之甘緩和陰。經漏帶下。喉癰之填納  
衝任。英年內虧。君相上越之寒鹹滋降。水不滋火。喉腫如虬之

滋水潛陽老年喉草翻花之心腎並治陰不斂陽久咳音啞之  
猪膚粉蜜陰液日枯厥陽化火之地黃阿膠熱入營中高年液  
涸之甘涼養陰此等皆治不足之火大慨也鄙愧愚昧妄列四  
條再以喉癰會厭不利之花露輕揚梅核膈之理氣鎮逆肺花  
瘡之清理肺熱肝胃氣逆之清胃平逆口生肉球之清心開竅  
喉中如蛇脫魚鱗之臭橘葉鼻塞咽喉疳腐之蠟礬丸精髓空  
極喉痛之猪羊牛髓麋膠厚膩填精腸紅厥衝喉痛之難鹽龜  
淡菜介類潛陽此等者四法中之變化也先哲用筆靈活難窺  
其奧隨方敷衍畧而述之質之高明細心研究考博羣書若能  
加意搜求咽喉方法金針暗度此篇不但他科專於喉科治法

無餘蘊矣。余聽鴻註

附治驗。常熟南門鴻源衣莊查姓女。九歲。素係柔弱。忽起喉風。痰如拽鋸聲。啞言不能出。目眶微陷。幸面色不青。他醫治之。已有兩日。邀余治之。曰。如急喉風。不過二三時。多者一日而已。既有兩日。雖屬危險。不致傷命。因其肺中未曾阻塞。尚有呼吸。可通急。將開關散吹鼻數次。猶能得嚏。二次。嚏嚏之後。呼吸漸靈。再將白蘿蔔四兩。鮮梨四兩。鮮荸薺三兩。鮮薑一錢。搗汁。竹瀝五錢。和入風化硝一錢。頻頻呷之。用牛蒡、桔梗、甘草、中黃、馬勃、翹、桅、元參、蘆根、竹瀝、川貝等服之。時時用燈心梢鼻管。使其噴嚏。吹以珠黃、中白、風化硝等。開洩化痰等藥。如此兩日。痰聲漸

手眼淚漸出。三日微聞其音。後以清宣肺氣。養陰滋降。三四日痊。此乃喉風之輕症也。

余在師處。見治一施姓小兒。喉中聲如拽鋸。音啞涕淚皆無。吾師曰。馬脾風症也。兩鼻扇之不息。以麻黃、芥子、黑白牽牛、大黃、苦杏仁、石膏等下之。而痊。太平洲人。藜藿農家之子。則可。吾吳中膏粱柔脆之孩。醫雖能用。病家不肯服。就病家肯服。醫家亦不肯書也。所以吳中喉風不治者多。臨證最難。若以此法使之輕病弱體。不堪設想矣。古人云。藥必中病。一言盡之矣。如百步穿楊。九十九步不及。百零一步太過矣。吾輩治病。若云藥能中病。天下為醫者。不敢言也。

余治常熟東門外柴場蔡姓女。纏喉風。音啞。呼吸不通。痰如拽鋸。面青目腫。涕淚全無。吹以開關散。噴嚏全無。進以辛涼輕宣。鹹軟化痰。罔效。余思景岳肺虛。用參等說。惟一日之恙。斷非肺絕。反復審詳。總要吐去痰。使其呼吸可通。能救三更。自己叫開城。再去。用稀涎散。竹瀝等吐之。吐出如膠之痰。兩椀。粘膩非常。明晨再診。呼吸如絲。神氣稍清。畧能安寐。後延他醫。亦以宣肺化痰法。一日而斃。喉風一症。輕者可救。重者十中難救一二。質之博雅高明。必中之法。能救蒼生。傳之於後。積德非淺。

余見常熟東門。宋莊子。五歲。猝起喉風。痰如拽鋸。喉中呼吸難通。就余診之。書麻杏石膏等。開肺化痰之劑。余以急喉風危症。

乎。吸屬延專科。周姓醫治。用羚羊石膏等。又請沈姓醫。用洋參  
坎炁等。然三人皆云不救。病家亦無主張。將三人之方。在城隍  
神前拈起。沈某方也。藥未能下咽。人已斃矣。病不過二三時。何  
其速也。細思咽喉湯藥總不及救。專於此科者。非刀鍼末藥。救  
人傾刻之間。若胸無成竹。通套之方。誤人非淺。斷斷不可為喉  
科。余治風熱陰虛。失音咽痛。不下數千計。然真急喉風。見二三  
而已。

余聞常熟東鄉小孩喉風痰上壅聲如拽鋸。歸姓醫用桐油。煎  
雞羽攪喉中吐之。而愈。此亦喉風之輕者也。真喉風他醫亦用  
此法。雖吐而無效。所以咽喉專科斷不可缺。



喉症之始。苦寒之劑當慎。喉症在急。刀針不可不用。余同鄉某  
宦。使女喉痛。瘍醫進以苦寒直降。猝然寒熱止。喉腫秘塞不通。  
又以土牛膝汁等灌之。更不得入。飲不能入。言不能出。喉中痰  
鳴。已一日夜。是日邀余診之。細視喉四圍。脹腫無隙。可通呼吸。  
與其然。搖手而已。問其語。點首而已。呼吸不爽。藥不得入。無法  
可施。余即將喉鎗。露鋒一分半許。刺其兩傍腫處。十餘刺。出其  
毒血。再用棉條。婦女粉紗用篔簹兩只。將棉條頭夾住。捲緊篔簹上。  
用冷水濕軟。拭去惡血。再將篔簹連棉條捲緊。探其喉。作嘔吐。  
出膠痰半碗。再刺。再探吐。共刺三十餘。乃探吐三次。共嘔吐血  
痰一碗。以涼水漱。滌去。飲以淡鹽湯。即可下。言語亦可出。

腫亦漸消。此乃腫祕痰塞。若不動刀針。探吐血痰。揆延半日。呼吸不通。痰涎湧塞。豈有生理。喉科刀針。斷不可缺。專恃湯藥。點滴不入。無所用耳。

閱西醫治喉腫祕塞不能通呼吸者。在頸傍喉管。開一孔。插入銀管。在頸傍可通呼吸。華人罕見。少聞。以為奇談。余謂呼吸不在喉。而在肺。肺氣通。喉雖腫祕。有鼻可通。一二日不妨。若肺氣祕塞。鼻中亦無呼吸。雖頸傍開十孔。插十銀管。亦徒然耳。然肺氣之祕。在痰。或熱甚。肺氣不肅。寒鬱。肺氣不開。津液不能散陳。六府潤肌膚。澤皮毛。不能為汗。為溺。皆化為痰。上溢。肺脹葉舉。呼吸不通。性命立傾。所以頸傍開孔。插銀管透氣。有病之人。痛

不能受。未免憤事。喉腫祕塞。不若刺去毒血。探吐膠痰。為穩。如能飲藥。瀉其肺中之水痰氣。一降呼吸。可通。雖腫亦可無妨。所以外病治內。不可疎忽。

某官女。素係寒體。中陽不足。便溏氣弱。因染疫寒熱。咽微痛。余進以辛涼微溫開解法。覺發熱畧重。喉脹較甚。即更瘍科。進以羚羊山豆根。金鎖匙。桅苓等。苦寒清熱。寒熱即止。脈細。紅痧隱於皮膚之裏。舌膩不渴。神煩昏憤。咽痛極甚。目珠上視。或目珠轉旋。手足抽掣。皆脊角弓反張。言語不出。已成瘕瘵之險。邀余診之。即以至寶丹研細。以化痰開肺之品。合竹瀝薑汁調勻。灌之。瘕止。厥平。後以化痰宣肺和解。緩緩治之。七八日。喉中吐膿。

血而痛緩。始終二十餘日。未能見一寒熱。紅疹隱隱。未得透發。此早服寒藥。失表之症。後傳染數人。余急先開表。辛涼外解。使其得汗。用喉刀刺其脹處。出血三四日。得汗後熱止。痧透咽痛亦平。未有遭如此危險者。所以瘟毒溫邪之始。苦寒當慎。恐熱逼不透。變瘧厥也。

余同鄉某。假館廣東。至京都朝考。廣東嵐瘴濕熱。疫毒熏蒸。又兼輪船煤氣熏灼。兼之飲食皆需煤火。熱鬱咽喉。腫痛。京中之醫。治以玉女煎。重劑。一服而平。朝考畢。回南。咽喉又痛。兩傍作腫。余以輕揚解散。普濟消毒。加減飲之。覺發熱較甚。喉腫亦增。病人云。素體陰虛。切不可服發散。因京中服玉女煎一劑而平。

若不。服。滋。陰。生。地。石。膏。等。斷。不。得。愈。定。非。溫。疫。喉。痧。也。余。一。時。眩。惑。徇。病。人。之。情。亦。投。以。玉。女。煎。去。牛。膝。加。甘。涼。之。品。自。此。寒。熱。止。舌。膩。痧。疹。隱。隱。不。出。脈。變。滯。晨。清。晡。甚。至。夜。嚙。語。煩。躁。不。寐。咽。喉。更。痛。雙。蛾。作。脹。濕。邪。蒙。蔽。有。作。瘧。之。勢。余。曰。先。誤。於。京。醫。之。玉。女。煎。過。熱。在。裏。再。誤。於。余。之。玉。女。煎。更。秘。其。熱。不。出。濕。邪。上。泛。病。變。濕。溫。一。徇。病。人。之。情。即。遭。此。危。險。其。權。在。醫。豈。可。徇。情。疑。惑。哉。即。進。二。隙。溫。膽。法。加。枳。檳。藿。香。苦。溫。芳。香。三。四。劑。亦。無。大。效。再。將。喉。刀。刺。出。毒。血。將。前。方。加。以。苦。溫。化。濕。淡。以。洩。熱。藥。內。沖。生。薑。汁。半。酒。杯。服。後。喉。痛。即。止。後。服。燥。濕。洩。熱。十。餘。劑。而。愈。用。藥。一。誤。挽。回。如。此。費。力。耳。余。聽。鴻。注。